



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDCXXIV.

**urn:nbn:de:hbz:466:1-42840**

*Custodi vitam nostram*, ait ad B. V. laudatus S. Ioannes Chrysoſtomus.

ANNO MDCXXIV.

684 P. Carolus Romanus in Lauretana B. V. DOMO IESVM, MARIAM, IOSEPHVM vidit, vt ferunt literæ de illo perſcriptæ; ac admirabiliter toto corde ad illos amandos, colendosque accensus est.

Ob. 1624.  
16. Aug.  
S. Iosephū  
colere.

685 P. Ioannes Franc. Gaudanus tres Deiparæ coronas texebat orando quotidie; primam pro animabus purgatorij; alteram ad gratias pro beneficio vocationis agendas; tertiam pro morte in Societate feliciter oppetenda. Aiebat visum sibi olim tironi, quasi vocem humanâ maiorem audiret dicentem: Ioannes, si in Societate perseveraueris, saluaberis; si tuâ dimissus culpâ fueris, damnaberis. Supremis quoque vitæ diebus voce iam fugiente dicere auditus est: orate pro me; ne vocatione exeam. S. Ioannis Damasceni est illud de suo fine solliciti: *Ab illecebra passionum libera me, Mater DEI, placans Filium tuum, & manuduens me ad Diuinum complementum voluntatum ipsius.*

Ob. 1624.  
7. Ian.

Constantiâ  
in vocatione  
illi com-  
mendare.

686 Iacobus de Alagon cum SS. Euchar. Sacramento mutari non posset ob stomachum (quem in honorem B. V. se ad IESVM pariendum disponentis per totum aduentum quotidie ieiunando debilitauerat) monitus à P. Rectore vt ad B. V. id gratiæ flagitaret; fecit, & obtinuit vt 1. Ianua: anni 1624. potuerit refici pane Angelico, tertio die post mortem. Fructus is fuit Sabbatinæ pietatis, quâ ille Sabbatum ieiunio, & publicâ sibi verberatione ornabat. Dulcissima res est, etiam in difficillimis in illa spem post DEVM reponere. Hinc illa S. Damasceni: *O secura salus, o fir-*

M. S. Do-  
minic.  
Ode 5.

Ieiunium.

Sabbatum  
Deiparæ  
dedicare.

M. S. Fer.  
4. Ode 9.

ma

ma spes, quæ genus hominum calificasti.

687 Huius anni Februario, die 16. felicem diem obiit P. Ludouicus de Ponte Vallisoleti. hic in quibusdam suis chartis, quas memorialia vocant: Secunda, inquit, porta post pietatem erga SS. Sacramentum se mihi obtulit Sanctissima Virgo, Domina nostra. Deuota erga illam propensio est porta ad sanctitatem: & cui dat hanc deuotionem DEVS, portam illi aperuit. Si verò illam non sentiam, possum flere, quia clausus mihi est ingressus ad Sancta sanctorum. Debeo supplex adire DEVM, & Angelum meum Custodem, ut mihi aperiatur hæc porta, & mihi detur ista deuotio. Aperite mihi portas iustitiæ, In scheda quadam inuitat Angelos, ad B.V. Laudes, & Sanctos omnes, illos maximè qui Deiparæ fuere familiares.

Cultu B.V.  
vi porta  
ad Sancti-  
tatem vii.

Offic. B.V.  
quotidie  
recitare.  
Festa  
B.V. quoti-  
die recole-  
re.

Candelam  
B.V. Virginis  
pro morte  
sibi prepara-  
rare.

Pati.

688 Solebat idem Beatissimæ Virginis officium quotidie recitare, Verùm sacris initiatus, & pluribus ab obedientia obrutus hoc inuenit compendium pietatis. De Conceptione, Natiuitate, Præsentatione, Annunciatione, Visitatione, expectatione partus, vel de ipso partu, item de Purificatione, ac Assumptione, pro tot nempe diuini officij partibus, dicebat hymnum, versum & orationem festi illius quotidie, facto singulis diebus velut quodam compendio seu breuiario anni Mariani. Præparauerat sibi pro hora mortis candelam ad B.V. de Monte Serrato benedictam. Imminente iam supremo articulo illam sibi accensam porrigi petijt.

689 Eidem P. Ludouico de Ponte Beatissimæ Virginis sub cruce stantis dolores expendenti audiri visa est vox à Crucifixo missa dicens: Mulier, ecce Filius tuus. Ecce Mater tua. quasi Ludouicum CHRISTVS Matri suæ, & hanc Ludouico vicissim com-

commendarent. Amabat SS. Ioachimū, & Annam tenerrimè *Ludouicus*; & *MARINÆ* de Escobar aliquando apparuisse dicitur in sacro apparatu in genua prouolutus coram SS. Ioachimo & Anna, *MARIAM* beatissimam paruulam de S. Ioachimi sinu accipiens, amplexu fouens, ægræ *Marinæ* ad-mouens ita vt ægra posset pedes paruulæ osculari. *S. Ioannes Damascenus*: *Pelagos amoris tui erga homines, & intimæ pietatis tuæ abyssos, & infinitas bonitatis misericordias ostende mihi. Custodi simul cum anima corpus meum inuulneratum.*

*B. V. parē-tes colere.*

*m. s. ser. 5. imit.*

690 Hoc anno in Regno Toletano (vt autor est P. Alphonfus de Andrade) quidam de Societate sacram expeditionem exercebat. Incidit in virum nobilem, olim Deiparæ, nunc fæminæ cuiusdam domi (quam Matris obtentu alebat) impensè additum. Hoc autem veteris erga Deiparam cultus erat residuum in homine, quòd B. V. festa, & Sodalitates celebrârît; Sacellum eius quoddam, imaginemque suis expensis ornârît; aliàs fædus cum illa sua Matre, seu scorto. Hic cuidam visus est fisci pro tribunali *CHRISTI*; qui ne illum perderet, *Virgo Deipara* intercessit, quæ non omnem pietatis scintillam in eo extinctam, & ornatam ab illo suam imaginem alebat. Quocirca triginta illi dies, ad expianda peccata concessi. Quod spacium si obstinatè perderet, cor illi lanceâ configendum dicebat *CHRISTVS* iudex. Iusta est pia fœmina, quæ hæc videbat, manè reperiendo in Ecclesia Societatis *IESV* Patri omnia enarrare. Reperit illa postridie manè pro sacro tribunali, quendam de Societate Patrem; sed fidem non inuenit nisi tertio & monita, & monens, ac varijs experimentis probata. Exhorruit ad hæc ab illo Patre audita reus ille

*De imit. B. V. l. 2. c. 23. a pag. 131.*

*Cole B. Vir ginē corde casto.*

nobilis, & serijs lachrymis eluit flagitium. Iterum tamen ab insidiosa illa pellectus, in obscœna prolapsus est, & Patrem opportunè importunè monentem, nunc risu, nunc irâ contempfit. Noctè demum trigessimâ cor sibi configi questus, & præsentè licèt Patre ac rogante, surdus ad omnia, obscœnorum morte perijt. id quod absens pia illa fœmina spectauit, CHRISTO coram Deiparâ & Angelis, cor obstinatâ illâ libidine cæcum ac surdum, lanceâ configente, dæmonibus verò contaminatam illam animam iniecto velut in eius collum fune igneo, ad supplicia æterna raptantibus.

ob. Derpanti 1624. I. Sept. et. 69

Constanti esse in eius precibus.

obiit 1624 in Sardinia 24. Martij.

Capana.

Exemplo S. P. Ignatij numisma B. Virginis gestare. Nier. t. 4. p. 22.

691 P. Ioannes Osnicus Patri suæ conscientie præfidi retulit; sibi ægro aliquando (sed an vigili nesciebat) auditam vocem diuinitus in hæc verba monentem: *Cur antea Sanctissima Matri Dei quotidianum usitatarum precum pensum non persoluisti? Nuncupa nunc illi votum huiusmodi; & conualesces. Nuncupauit, aiebat Ioannes, & è vestigio melius habui; breuè planè conualui.*

692 P. Saluatori Pizqueda ad Societatem aditum aperuit, quòd cum cœtui MARIANO præflet Præfectus, ad Sodales in festo B. V. Assumptæ latinè de B. Virgine præclare dixerit, sociisque placuerit. Æs campanum in Societate, quo Sodales conuocantur, semper ipse pulsabat; vt filios Virginis ad Matrem ipse accerferet. Coadiutori socio cum aliò proficisceretur, dixit; Num secum aliquod numisma haberet. Respondit ille: se habere numisma Rosarij B. Virginis, quod olim gestarit S. P. Ignatius. Opportunum illud fore dixit P. Saluator. Et fuit. Etenim in ea domo in qua ille diuertit, fœminæ tertio vel quarto iam die parturienti numisma illud misit; & illa eo piè vsa, feliciter est enixa. Illos qui

qui ei confitebantur, docebat semper aliquod genus obsequij erga B. V. Sub mortem lachrymans illud hymni veteris repetebat: *Pia Mater, & humilis, Natura memor fragilis, In huius hora fluctibus Nos rege tuis precibus.*

*Eos qui nobis confitentur, docere cultū B. V.*

693 Sub hunc fere annum edidit P. Nicolaus Longobardus in Sinis, idiomate Sinico, *Vitam Beatiss. V. Maris.*

694 P. Gaspar Paranympus paupertatis amorem cum præcipuo erga DEI Matrem amore ita coniunxit ut ipsa Beatissima Virgo illum laudans, de illo dixisse feratur; eum DEO vnicè charum esse, ob singulare studium paupertatis.

*obiit 1624 in Sicilia. Paupertatē amare.*

695 P. Ioannes de la Bretesche animi anxius olim, ac deliberabundus quem religiosorum ordinum amplecti deberet, visus sibi est de manu Beatissimæ Virginis vestes omnes quibus Societas uti consuevit, accipere; atque illā porrigente illis esse indutus. Inde illi per omnem vitam in Societate cordi fuit longè studiosissimus DEI Matris cultus; quem firmabat, ornabatque humilitate potissimum, & carnis perpetuo cruciatu, dignus *vestimento salutis* accepto.

*ab. Parisijs 1624. 20. Nou. Vocatio. Manè. Vestes illi dedicare.*

## ANNO MDCXXV.

696 P. Albertus Grodsicensis per omne vitæ in Societate actæ tempus, quouis die Sabbati Deiparæ coronam accuratè recitavit pro eorum in Societate constantia quos in tirocinio sacræ militiæ commilites habuerat: idque se per annos quindecim nunquam omisisse moriens affirmavit. S. Ioannes Damascenus de B. Virgine: *Spes, & firmamentum fidelium (Nouitiorum) & refugium, ac virtus eorum.*

*ab. 1625.*

*Orare pro Nouitijs.*

*m. s. ser. 6.*

697 Simon Buccerius Coad. cum hoc anno 1625.

Y Y 2

heb-